

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1334/09
Sarajevo, 22.12.2009. godine

Z A P I S N I K

11. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 22. decembra 2009. godine

Sjednica je počela u 12.30.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, potpredsjednicu Federacije Bosne i Hercegovine Spomenku Mičić, zamjenike premijera Vjekoslava Bevandu i Gavrila Grahovca, ministre u Vladi Federacije Bosne i Hercegovine, goste, predstavnike Međunarodne zajednice i međunarodnih organizacija i udruženja, kao i predstavnike akreditiranih medijskih kuća koji prate rad sjednice.

Izostanak sa sjednice opravdali su Jasenko Tufekčić i Zijad Tvica.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Vlada Federacije dostavila sljedeće prijedloge zakona sa prijedlogom da se razmatraju po hitnom postupku i to:

- Prijedlog Izmjena i dopuna Budžeta Federacije Bosne i Hercegovine za 2009. godinu,
- Prijedlog Zakona o provođenju kontrole zakonitosti korištenja prava iz oblasti branilačko-invalidske zaštite,
- Prijedlog Budžeta Federacije Bosne i Hercegovine za 2010. godinu,
- Prijedlog Zakona o izvršavanju Budžeta Federacije Bosne i Hercegovine za 2010. godinu,
- Prijedlog Zakona o jedinstvenom uređivanju prava na gotovinsku naknadu pojedincima u Federaciji Bosne i Hercegovine,
- Prijedlog Zakona o dopuni Zakona o budžetima u Federaciji Bosne i Hercegovine.

Predsjedavajući je konstatovao sljedeće:

- sa 31 glasom za, uz šest glasova protiv i uz tri uzdržana glasa, Dom naroda Parlamenta Federacije prihvatio je da se Prijedlog Izmjena i dopuna Budžeta Federacije Bosne i Hercegovine za 2009. godinu razmatra po hitnom postupku;

- sa 32 glasa za, uz osam glasova protiv i uz dva uzdržana glasa, Dom naroda Parlamenta Federacije prihvatio je da se Prijedlog Zakona o provođenju kontrole zakonitosti korištenja prava iz oblasti branilačko-invalidske zaštite razmatra po hitnom postupku;

- sa 32 glasa za, uz devet glasova protiv i uz dva uzdržana glasa, Dom naroda Parlamenta Federacije prihvatio je da se Prijedlog Budžeta Federacije Bosne i Hercegovine za 2010. godinu razmatra po hitnom postupku;

- sa 33 glasa za, uz sedam glasova protiv i uz dva uzdržana glasa, Dom naroda Parlamenta Federacije prihvatio je da se se Prijedlog Zakona o izvršavanju Budžeta Federacije Bosne i Hercegovine za 2010. godinu razmatra po hitnom postupku;

- sa 30 glasova za, uz devet glasova protiv i uz dva uzdržana glasa, Dom naroda Parlamenta Federacije prihvatio je da se se Prijedlog Zakona o dopuni Zakona o budžetima u Federaciji Bosne i Hercegovine razmatra po hitnom postupku.

Budući da je Predstavnički dom odlučio da Prijedlog Zakona o jedinstvenom uređivanju prava na gotovinsku naknadu pojedincima u Federaciji Bosne i Hercegovine razmatra u formi nacrtu Zakona, Kolegij Doma naroda je predložio da i Dom naroda Zakon razmatra u formi nacrtu, što su delegati prihvatili.

Na osnovu rezultata glasanja, predsjedavajući je konstatovao da je Dom naroda, sa 36 glasa za, uz pet glasova protiv i uz dva uzdržana glasa, usvojio sljedeći:

DNEVNI RED

1. Prijedlog Izmjena i dopuna Budžeta Federacije Bosne i Hercegovine za 2009. godinu – hitni postupak,
2. Prijedlog Zakona o provođenju kontrole zakonitosti korištenja prava iz oblasti branilačko-invalidske zaštite – hitni postupak,
3. Prijedlog Budžeta Federacije Bosne i Hercegovine za 2010. godinu – hitni postupak,
4. Prijedlog Zakona o izvršavanju Budžeta Federacije Bosne i Hercegovine za 2010. godinu – hitni postupak,
5. Dokument okvirnog budžeta Federacije Bosne i Hercegovine za period 2010.-2012. godina,
6. Nacrt Zakona o jedinstvenom uređivanju prava na gotovinsku naknadu pojedincima u Federaciji Bosne i Hercegovine,

7. Prijedlog Zakona o dopuni Zakona o budžetima u Federaciji Bosne i Hercegovine – hitni postupak,
8. Prijedlog Zakona o fiskalnim sistemima,
9. a) Odluka o davanju suglasnosti za prihvatanje kredita Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina,
 b) Odluka o davanju suglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina,
 c) Nacrt ugovora o finansiranju i Projektu i ugovora o zajmu i Projektu između KfW, Bosne i Hercegovine i Federacije Bosne i Hercegovine i JP Elektroprivrede HZHB,
 d) Informacija o kreditu njemačke banke za obnovu Kreditanstalt fur Wiederaufbau («KfW») iz Frankfurta na Majni za finansiranje projekta «Vjetropark Mesihovina»,
10. Prijedlog finansijskog plana FERK-a za 2010. godinu,
11. Usaglašavanje Prijedloga Zakona o računovodstvu i reviziji u Federaciji Bosne i Hercegovine.

1. Prijedlog Izmjena i dopuna Budžeta Federacije Bosne i Hercegovine za 2009. godinu

Prijedlog Izmjena i dopuna Budžeta Federacije Bosne i Hercegovine za 2009. godinu utvrdila je Vlada Federacije Bosne i Hercegovine.

Predstavnički dom Parlamenta Federacije je na 25. vanrednoj sjednici od 21.12.2009. godine usvojio Prijedlog Izmjena i dopuna Budžeta za 2009. godinu Federacije Bosne i Hercegovine u tekstu kako ga je predložila Vlada Federacije Bosne i Hercegovine.

Prijedlog Izmjena i dopuna Budžeta razmatrala su nadležna radna tijela i dostavila svoje izvještaje.

Prijedlog izmjena i dopuna Budžeta obrazložio je Vjekoslav Bevanda, federalni ministar finansija.

U raspravi su učestvovali: Drago Puzigaća, Elvira Abdić-Jelenović, Nada Ćulap, Saša Magazinović, Tomo Vidović, Emir Frašto, Besim Imamović, Svetozar Pudarić, Ivo Komšić, Alija Begović, Mika Lešić, Mislav Sučić, Vjekoslav Bevanda, federalni ministar finansija, Josip Perić, Velimir Kunić, federalni ministar razvoja, poduzetništva i obrta i premijer Federacije Mustafa Mujezinović.

Na Prijedlog Izmjena i dopuna Budžeta Federacije Bosne i Hercegovine za 2009. godinu amandmane su podnijeli Nada Ćulap i zajednička grupa delegate: Alija Begović, Emir Frašto, Hasan Tafro, Dragomir Bilić i Daliborka Milović.

Budući da je Vjekoslav Bevanda, federalni ministar finansija, ispred Vlade Federacije izjavio da ne prihvata podnesene amandmane, predsjedavajući je pozvao podnosiocima amandmana da se izjasne da li ostaju pri svojim amandmanima.

Budući da ova grupa delegata nije odustala od svog amandmana, predsjedavajući ga je stavio na glasanje i na osnovu rezultata glasanja konstatovao da Dom naroda **nije usvojio** amandman, jer je za glasalo 22 delegata, devet delegata je bilo protiv, a 11 delegata je bilo uzdržano.

Kako je Nada Čulap izjavila da odustaje od svog amandmana, predsjedavajući je stavio na glasanje Prijedlog Izmjena i dopuna Budžeta Federacije Bosne i Hercegovine za 2009. godinu.

Na osnovu rezultata poimeničnog glasanja koje je obavio Izmir Hadžić, sekretar Doma naroda Parlamenta Federacije, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz deset glasova protiv i uz tri uzdržana glasa, usvojio Prijedlog Izmjena i dopuna Budžeta Federacije Bosne i Hercegovine za 2009. godinu.

2. Prijedlog Zakona o provođenju kontrole zakonitosti korištenja prava iz oblasti branilačko-invalidske zaštite

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na nastavku 25. vanredne sjednice od 22.12.2009. godine usvojio Prijedlog Zakona o provođenju kontrole zakonitosti korištenja prava iz oblasti branilačko-invalidske zaštite sa devet amandmana koje je Vlada Federacije prihvatila, pa su postali sastavni dio Prijedloga Zakona. Tom prilikom usvojen je Zaključak.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakon obrazložio je Zahid Crnkić, federalni ministar za pitanja boraca i invalida odbrambeno-oslobodilačkog rata.

U raspravi su učestvovali: Elvira Abdić-Jelenović, Josip Perić, Mira Ljubijankić, Zoran Budimić, Ivo Iva Tadić, Svetozar Pudarić, Ismet Imamović, Ljubo Zovko, Zahid Crnkić, federalni ministar za pitanja boraca i invalida odbrambeno-oslobodilačkog rata i premijer Mustafa Mujezinović.

Na Prijedlog Zakona Klub delegata hrvatskog naroda podnio je četiri amandmana od kojih je odustao, nakon obrazloženja premijera Federacije i ministra Zahida Crnkića.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za, uz osam glasova protiv i uz četiri uzdržana glasa, usvojio Prijedlog Zakona o provođenju kontrole zakonitosti korištenja prava iz oblasti branilačko-invalidske zaštite.

Predsjedavajući je predložio da se o tač. 3., 4. i 5. obavi zajednička rasprava a izjašnjavanje pojedinačno, što su delegati prihvatili.

3. Prijedlog Budžeta Federacije Bosne i Hercegovine za 2010. godinu

Prijedlog Budžeta Federacije Bosne i Hercegovine za 2010. godinu utvrdila je Vlada Federacije Bosne i Hercegovine.

Uz Prijedlog Budžeta dostavljeni su Finansijski plan Federalnog zavoda za zapošljavanje za 2010. godinu i procjena Plana za 2011. i 2012. godinu, Finansijski plan Zavoda zdravstvenog osiguranja i reosiguranja Federacije Bosne i Hercegovine za 2010. godinu i izmjene Finansijskog plana Zavoda za penzijsko i invalidsko osiguranje za 2010. godinu.

Predstavnički dom Parlamenta Federacije je na nastavku 25. vanredne sjednice od 22.12.2009. godine usvojio Prijedlog Budžeta Federacije Bosne i Hercegovine za 2010. godinu u tekstu kako ga je predložila Vlada Federacije Bosne i Hercegovine.

Prijedlog Budžeta, Prijedlog Zakona o izvršavanju budžeta i Dokument Okvirnog budžeta razmatrala su nadležna radna tijela koja su dostavila svoje izvještaje. Ispred Odbora za poljoprivredu, vodoprivredu i šumarstvo izvještaj je obrazložio Zoran Budimić, predsjednik Odbora.

Prijedloge ovih akata obrazložio je Mustafa Mujezinović, premijer Federacije.

Na Prijedlog Budžeta Federacije Bosne i Hercegovine za 2010. godinu amandmane su podnijeli: Lidija Bradara – osam amandmana, Drago Puzigaća - jedan amandman, Nada Čulap – jedan amandman, Muhamed Osmić – jedan amandman, Radoje Vidović – tri amandmana, predsjednik Kluba delegata hrvatskog naroda Josip Perić – dva amandmana, grupa delegata: Alija Begović, Emir Frašto, Hasan Tafro, Dragomir Bilić i Daliborka Milović – jedan amandman, Tomo Vidović – pet amandmana, Sead Čaušević – tri amandmana, Kenan Keserović – osam amandmana i zajednički Mira Ljubijankić i Mladen Lonić - jedan amandman.

U zajedničkoj raspravi o tač. 3., 4. i 5. učestvovali su: Drago Puzigaća, Denis Zvizdić, Mira Ljubijankić, Tomo Vidović, Saša Magazinović, Lidija Bradara, Josip Perić, Mislav Sučić, Hasan Tafro, Željko Asić, Alija Begović, Ivo Komšić, Sead Čaušević, Kenan Keserović, Muhamed Osmić, Zoran Budimić, Ramo Isak, Svetozar Pudarić, Emir Frašto i Vjekoslav Bevanda, federalni ministar finansija.

S obzirom na to da je ispred Vlade Federacije Vjekoslav Bevanda, federalni ministar finansija, izjavio da ne prihvata podnesene amandmane, predsjedavajući je pozvao podnositelje amandmana da se izjasne da li ostaju pri svojim amandmanima.

Lidija Bradara, Muhamed Osmić, Radoje Vidović, Josip Perić, Drago Puzigaća i Nada Čulap izjavili su da odustaju od amandmana.

Budući da grupa delegata nije odustala od svog amandmana, izuzev Hasana Tafre, predsjedavajući ga je stavio na glasanje i, na osnovu rezultata glasanja, konstatovao da Dom naroda **nije usvojio** amandman, jer je za glasalo 15 delegata, 16 delegata je bilo protiv, a 15 delegata je bilo uzdržano.

Budući da sljedeći delegati, također, nisu odustali od svojih amandmana o njima se Dom naroda izjašnjavao glasanjem:

- na osnovu rezultata glasanja, predsjedavajući je konstatovao da Dom naroda **nije usvojio** amandmane Tome Vidovića, jer je za glasalo 20 delegata, 14 delegata je bilo protiv, a 12 delegata je bilo uzdržano;

- na osnovu rezultata glasanja, predsjedavajući je konstatovao da Dom naroda **nije usvojio** amandmane Seada Čauševića, jer je za glasalo 13 delegata, 15 delegata je bilo protiv, a 19 delegata je bilo uzdržano;

- na osnovu rezultata glasanja, predsjedavajući je konstatovao da Dom naroda **nije usvojio** amandmane Kenana Keserovića, jer je za glasalo 15 delegata, 16 delegata je bilo protiv, a 13 delegata je bilo uzdržano;

- na osnovu rezultata glasanja, predsjedavajući je konstatovao da Dom naroda **nije usvojio** amandman Mire Ljubijankić i Mladena Lonića, jer je za glasalo 12 delegata, 16 delegata je bilo protiv, a 19 delegata je bilo uzdržano.

Budući da su Odbor za poljoprivredu, vodoprivredu i šumarstvo i Sead Čaušević predložili zaključke predsjedavajući ih je stavio na glasanje.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine **nije usvojio** Zaključak Odbora za poljoprivredu, vodoprivredu i šumarstvo, jer je za glasalo 18 delegata, 16 delegata je bilo uzdržano, a 11 delegata je bilo protiv.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz pet glasova protiv i uz šest uzdržanih glasova, usvojio Zaključak koji je predložio Sead Čaušević.

ZAKLJUČAK

Zadužuje se Vlada Federacije Bosne i Hercegovine da u roku od 60 dana pripremi i Domu naroda Parlamenta Federacije Bosne i Hercegovine dostavi informaciju o dugovanju Vlade Federacije prema Fondu PIO/MIO na ime beneficiranih penzija i beneficiranog staža i predloži način rješavanja tog duga.

4. Prijedlog Zakona o izvršavanju Budžeta Federacije Bosne i Hercegovine za 2010. godinu

Prijedlog Zakona o izvršavanju Budžeta Federacije Bosne i Hercegovine za 2010. godinu utvrdila je Vlada Federacije Bosne i Hercegovine.

Predstavnički dom Parlamenta Federacije je na nastavku 25. vanredne sjednice od 22.12.2009. godine usvojio Prijedlog Zakona o izvršavanju Budžeta Federacije Bosne i Hercegovine za 2010. godinu u tekstu kako ga je predložila Vlada Federacije Bosne i Hercegovine.

Na Prijedlog Zakona amandman je podnijela grupa delegata koju čine Alija Begović, Emir Frašto, Hasan Tafro, Dragomir Bilić i Daliborka Milović.

Budući da je Vjekoslav Bevanda, federalni ministar finansija, ispred Vlade Federacije, izjavio da ne prihvata podneseni amandman, predsjedavajući

je pozvao podnosiocce amandmana da se izjasne da li ostaju pri svom amandmanu. Podnosioci su izjavili da odustaju od svojih amandmana.

5. Dokument okvirnog budžeta Federacije Bosne i Hercegovine za period 2010.-2012. godina

Dokument okvirnog budžeta Federacije Bosne i Hercegovine za period 2010.-2012. godina utvrdila je Vlada Federacije Bosne i Hercegovine i dostavila ga Parlamentu Federacije radi informiranja.

Predstavnički dom Parlamenta Federacije je na nastavku 25. vanredne sjednice od 22.12.2009. godine primio na znanje Dokument okvirnog budžeta Federacije Bosne i Hercegovine za period 2010.-2012. godina.

* * *

Nakon završene rasprave i izjašnjavanja o amandmanima prešlo se na **glasanje o tač. 3., 4. i 5.**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz 11 glasova protiv i uz dva uzdržana glasa, usvojio **Prijedlog Budžeta Federacije Bosne i Hercegovine za 2010. godinu.**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za, uz osam glasova protiv i uz jedan uzdržani glas, usvojio **Prijedlog Zakona o izvršavanju Budžeta Federacije Bosne i Hercegovine za 2010. godinu.**

Budući da je dostavljen radi informiranja, predsjedavajući je konstatovao da je Dom naroda Parlamenta Federacije Bosne i Hercegovine primio na znanje **Dokument okvirnog budžeta Federacije Bosne i Hercegovine za period 2010.-2012. godina**

6. Nacrt Zakona o jedinstvenom uređivanju prava na gotovinsku naknadu pojedincima u Federaciji Bosne i Hercegovine

Zakon je u formi prijedloga utvrdila Vlada Federacije Bosne i Hercegovine.

Predstavnički dom Parlamenta Federacije je na nastavku 25. vanredne sjednice od 22.12.2009. godine odlučio da Zakon razmatra u formi nacrta Zakona i Zaključkom ga prihvatio.

Zakon su u formi prijedloga Zakona razmatrala nadležna radna tijela i dostavila svoje izvještaje.

Na Prijedlog Zakona amandman su zajednički podnijeli Mira Ljubjankić i Mladen Lonić. Budući da se Zakon razmatra u formi nacrta Zakona, amandman se smatra primjedbom na Nacrt Zakona.

U raspravi su učestvovali Svetozar Pudarić i Tomo Vidović.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za, uz sedam glasova protiv i uz šest uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvaća Nacrt Zakona o jedinstvenom uređivanju prava na gotovinsku naknadu pojedincima u Federaciji Bosne i Hercegovine i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

7. Prijedlog Zakona o dopuni Zakona o budžetima u Federaciji Bosne i Hercegovine

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na nastavku 25. vanredne sjednice od 22.12.2009. godine **nije usvojio** Prijedlog Zakona o dopuni Zakona o budžetima u Federaciji Bosne i Hercegovine, jer prilikom glasanja nije dobio potrebnu većinu glasova zastupnika.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakon obrazložio je Vjekoslav Bevanda, federalni ministar finansija.

U raspravi su učestvovali Tomo Vidović, Alija Begović i Svetozar Pudarić.

Nakon rasprave i iznesenih primjedbi Vjekoslav Bevanda, federalni ministar finansija, povukao je Prijedlog Zakona iz parlamentarne procedure.

8. Prijedlog Zakona o fiskalnim sistemima

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 27. sjednici od 07.12.2009. godine usvojio Prijedlog Zakona sa 19 amandmana koje je Vlada prihvatila pa su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Na Prijedlog Zakona Sead Čaušević i Igor Rajner podnijeli su 16 amandmana i dvije tehničke ispravke.

Prijedlog Zakona obrazložio je Hajrudin Hadžimehanović, pomoćnik federalnog ministra finansija, koji je u cilju poboljšanja teksta Zakona dao sljedeće **ispravke pravno-tehničke prirode** u usvojenim amandmanima:

- u Amandmanu IX., koji se odnosi na brisanje alineje d) u članu 3. ostaju riječi: „**JIB** – predstavlja skraćenicu za jedinstveni identifikacijski broj obveznika dodijeljen od PU“,
- u Amandmanu XI., koji se odnosi na član 19. riječ „utvrđuje“ zamjenjuje se riječju „odobrava“,
- u Amandmanu XIV., koji se odnosi na član 27. stav 3. se briše,
- u Amandmanu XV., koji se odnosi na član 30., riječ „dopremi“ zamjenjuje se riječju „pređa“.

U raspravi su učestvovali: Besim Imamović, Vjekoslav Bevanda, federalni ministar finansija, i Sead Čaušević, koji je izjavio da on i Igor Rajner odustaju od podnesenih amandmana.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za, uz šest glasova protiv i uz deset uzdržanih glasova, usvojio Prijedlog Zakona o fiskalnim sistemima.

9. a) **Odluka o davanju suglasnosti za prihvatanje kredita Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina**
- b) **Odluka o davanju suglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina**
- c) **Nacrt ugovora o finansiranju i Projektu i ugovora o zajmu i Projektu između KfW-a, Bosne i Hercegovine i Federacije Bosne i Hercegovine i JP Elektroprivrede HZHB**
- d) **Informacija o kreditu njemačke banke za obnovu Kreditanstalt fur Wiederaufbau («KfW») iz Frankfurta na Majni za finansiranje projekta «Vjetropark Mesihovina»**

Odluke je donijela Vlada Federacije i dostavila ih Parlamentu Federacije radi odobrenja.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama vodi zajednička rasprava, a izjašnjenje obavi pojedinačno, što su delegati prihvatili.

U raspravi nije niko učestvovao.

- a) **Odluka o davanju suglasnosti za prihvatanje kredita Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova za, uz jedan glas protiv i uz jedan uzdržani glas, donio Odluku kojom je **odobrio** Odluku o

davanju suglasnosti za prihvatanje kredita Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina.

b) Odluka o davanju suglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za, uz jedan glas protiv i uz dva uzdržana glasa, donio Odluku kojom je **odobrio** Odluku o davanju suglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Kreditanstalt fur Wiederaufbau, Frankfurt na Majni («KfW») za Projekt izgradnje vjetroelektrane Mesihovina.

c) Nacrt ugovora o finansiranju i Projektu i ugovora o zajmu i Projektu između KfW-a, Bosne i Hercegovine i Federacije Bosne i Hercegovine i JP Elektroprivrede HZHB

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za, uz dva glasa protiv i uz dva uzdržana glasa, primio na znanje Nacrt ugovora o finansiranju i Projektu i ugovora o zajmu i Projektu između KfW-a, Bosne i Hercegovine i Federacije Bosne i Hercegovine i JP Elektroprivrede HZHB.

d) Informacija o kreditu njemačke banke za obnovu Kreditanstalt fur Wiederaufbau («KfW»), iz Frankfurta na Majni za finansiranje projekta «Vjetropark Mesihovina»

Dom naroda je primio na znanje Informaciju o kreditu njemačke banke za obnovu Kreditanstalt fur Wiederaufbau («KfW»), iz Frankfurta na Majni za finansiranje projekta «Vjetropark Mesihovina».

10. Prijedlog Finansijskog plana FERK-a za 2010. godinu

Regulatorna komisija za električnu energiju Federacije Bosne i Hercegovine dostavila je Parlamentu Federacije Bosne i Hercegovine Prijedlog Finansijskog plana FERK-a za 2010. godinu radi razmatranja i usvajanja.

Predstavnički dom Parlamenta Federacije je na nastavku 27. sjednice od 08.12.2009. godine usvojio Prijedlog Finansijskog plana FERK-a za 2010. godinu.

Ovaj materijal razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, jednoglasno (41 glas) usvojio Prijedlog Finansijskog plana FERK-a za 2010. godinu.

11. Usaglašavanje Prijedloga Zakona o računovodstvu i reviziji Bosne i Hercegovine

Predsjedavajući je podsjetio delegate da je u članu 5. na stav 3. Prijedloga Zakona Dom naroda usvojio dva različita amandmana od kojih se jednim amandmanom briše stav 3. a drugim amandmanom mijenja stav 3.

Predsjedavajući je upoznao delegate da je Predstavnički dom na sjednici od 21.12.2009. godine, na inicijativu predstavnika Vlade Federacije, podržao izglasani amandman na Domu naroda koji se odnosi na izmjenu stava 3. u članu 5. Prijedloga Zakona.

Dom naroda je prihvatio ovakvo rješenje, te je time Zakon usvojen u istovjetnom tekstu u oba doma Parlamenta Federacije.

Sjednica je završena u 20 sati.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić